

**MAJLIS ANUGERAH
PERKHIDMATAN CEMERLANG 2021
KEMENTERIAN PERPADUAN NEGARA
1 APRIL 2021(JUMAAT)**

*BISMILLAHIRRAHMANIRRAHIM
ASSALAAMU'ALAIKUM
WARAHMATULLAAHI WABARAKAATUH
DAN SALAM PERPADUAN*

TERIMA KASIH SAUDARA / SAUDARI
PENGACARA MAJLIS,

**YB DATUK HALIMAH BINTI MOHAMED
SADIQUE
MENTERI PERPADUAN NEGARA**

**YB SENATOR WAN AHMAD FAYHSAL BIN
WAN AHMAD KAMAL**
TIMBALAN MENTERI PERPADUAN
NEGARA

YBRS. DR. KANG TONG HUM
TIMBALAN KETUA SETIAUSAHA
KEMENTERIAN PERPADUAN NEGARA

YBRS. TUAN ZULKIFLI BIN HASHIM
TIMBALAN KETUA PENGARAH
JABATAN PERPADUAN NEGARA DAN
INTEGRASI NASIONAL (MENANGGUNG
TUGAS KETUA PENGARAH)

YBRS. TUAN RAVEENDRAN NAIR
KETUA PENGARAH
UNIT TRANSFORMASI MASYARAKAT
INDIA (MITRA)

PENERIMA-PENERIMA ANUGERAH
PERKHIDMATAN CEMERLANG TAHUN
2021

WARGA KPN YANG DIKASIHI SEKALIAN

PENDAHULUAN

1. SETINGGI-TINGGI SYUKUR
DIPANJATKAN KE HADRAT ILAHI
KERANA DENGAN LIMPAH RAHMAT
DAN INAYAHCNYA, DAPAT KITA
BERSAMA-SAMA PADA HARI INI BAGI
MERAIKAN PENERIMA ANUGERAH
PERKHIDMATAN CEMERLANG (APC)
KEMENTERIAN PERPADUAN NEGARA
(KPN) BAGI TAHUN 2021.

2. TERLEBIH DAHULU IZINKAN SAYA
SEBAGAI MEWAKILI SELURUH
WARGA KEMENTERIAN PERPADUAN
NEGARA DAN JABATAN DI
BAWAHCNYA MENGUCAPKAN JUTAAN
TERIMA KASIH DAN PENGHARGAAN
KEPADA YANG BERTHORMAT

MENTERI PERPADUAN NEGARA
ATAS KESUDIAN MELUANGKAN
MASA UNTUK HADIR BERSAMA-SAMA
DENGAN KAMI PADA MAJLIS
ANUGERAH PERKHIDMATAN AWAM
KPN TAHUN 2021 INI.

3. SAYA JUGA INGIN MENGUCAPKAN
TAHNIAH DAN SYABAS KEPADA 383
WARGA KPN TERDIRI DARIPADA
PELBAGAI SKIM DAN GRED JAWATAN
BAKAL MENERIMA APC BAGI TAHUN
PENILAIAN 2021.
4. MAJLIS APC MERUPAKAN ACARA
TAHUNAN BAGI MEMBERI
PENGIKTIRAFAN DAN
PENGHARGAAN KEPADA ANGGOTA

PERKHIDMATAN AWAM YANG TELAH
MEMPAMERKAN PRETASI KERJA
YANG CEMERLANG SEPANJANG
TAHUN SEBELUMNYA.

5. TAHUN 2021 TELAH BERLALU
DENGAN PELBAGAI CABARAN,
NAMUN WARGA KPN TETAP
BERUPAYA MENUNJUKKAN
DEDIKASI SERTA PRESTASI KERJA
YANG CEMERLANG. KITA TELAH
MEMASUKI BULAN KEEMPAT TAHUN
2022, SAYA BERHARAP SELURUH
WARGA KERJA KPN, AKAN TERUS
MENINGKATKAN PENCAPAIAN
MASING-MASING DENGAN
SEMANGAT KERJA YANG TINGGI
BAGI KITA MENEMPUH CABARAN-

CABARAN, KHUSUSNYA DALAM KITA MENGGALAS TUGAS DAN TANGGUNGJAWAB YANG DIAMANAHKAN SEBAGAI PENJAWAT AWAM.

6. PERANAN KEMENTERIAN INI SEBAGAI AGENSI PENERAJU AGENDA PERPADUAN NEGARA MERUPAKAN SATU TANGGUNGJAWAB BESAR UNTUK MEMASTIKAN KEHARMONIAN DAN PERHUBUNGAN ANTARA KAUM SENTIASA KEKAL. TANGGUNGJAWAB INI TIDAK BERUPAYA DILAKSANAKAN TANPA SOKONGAN DAN KOMITMEN TINGGI DARIPADA SEMUA WARGA KPN DARI SELURUH NEGARA.

MEMENUHI EKSPEKTASI RAKYAT

7. KEMENTERIAN PERPADUAN NEGARA YANG TELAH DITUBUHKAN SEMULA PADA 10 MAC 2020, SEMEMANGNYA MEMPUNYAI EKSPEKTASI TINGGI DARIPADA RAKYAT TERHADAP PERKHIDMATAN YANG DISEDIAKAN OLEH KEMENTERIAN DAN JABATAN DI BAWAHNYA.

8. RAKYAT SECARA UMUMNYA MENGHARAPKAN FORMULA BAHARU DALAM PENGURUSAN PERPADUAN NEGARA MENGIKUT PERUBAHAN MINDA GENERASI BARU DAN PERSEKITARAN SEMASA.

9. OLEH SEBAB ITU, YB MENTERI TELAH MENGILHAMKAN IDEA UNTUK MERANGKA DASAR DAN PELAN-PELAN TINDAKAN BAGI SETIAP TERAS PERKHIDMATAN DI KPN SUPAYA PROGRAM DAN INISIATIF YANG DIRANCANG BERMANFAAT SEPENUHNYA DI PERINGKAT AKAR UMBI SUPAYA AGENDA PERPADUAN DICAPAI.

10. SAYA PERCAYA KEFAHAMAN YANG TINGGI TERHADAP DASAR DAN PELAN-PELAN YANG DIHASILKAN TERSEBUT, WARGA KPN DAPAT MENUNJUKKAN KOMITMEN DAN KEYAKINAN PENUH SEMASA MELAKSANAKAN TUGASAN SUPAYA

PENYAMPAIAN PERKHIDMATAN BERADA DI TAHAP TINGGI PADA SETIAP MASA.

11. JUSTERU, FOKUS TAHUN 2022 INI MERUPAKAN TAHUN PELAKSANAAN. PROGRAM-PROGRAM YANG DISUSUN MELALUI PELAN-PELAN TINDAKAN YANG TELAH DIHASILKAN PERLU DITERJEMAHKAN DALAM BENTUK PELAKSANAAN.
12. UNTUK ITU, SAYA MENYERU KEPADA SEMUA SUPAYA BERSEDIA MELAKUKAN **PERUBAHAN KEPADA *MINDSET*** UNTUK MENERIMA PENDEKATAN BAHARU INI. KITA TIDAK BOLEH SENTIASA BERADA

DALAM ZON SELESA, SEBALIKNYA PERUBAHAN MESTI DILAKUKAN SUPAYA KITA SENTIASA RELEVAN. KEWUJUDAN KITA MEMBERI IMPAK KEPADA RAKYAT.

RETREAT KPN 2022

13. MESYUARAT PERANCANGAN KERJA 2022 KEMENTERIAN PERPADUAN NEGARA (*RETREAT* KPN 2022) TELAH DIADAKAN **SELAMA 3 HARI PADA 21 HINGGA 23 JANUARI 2022 DI DESARU, JOHOR.**

14. RETREAT INI BERTUJUAN MENYUSUN GERAK KERJA PROGRAM-PROGRAM YANG DIGARISKAN MELALUI PELAN-

PELAN TINDAKAN YANG TELAH DIHASILKAN.

PENGURUSAN KEWANGAN BERHEMAH

15. BAGI MEMASTIKAN PENGURUSAN KEWANGAN KPN YANG EFISIEN, SEPANJANG TAHUN 2021 DAN SEHINGGA MAC 2022, UNIT AUDIT DALAM KPN TELAH MENJALANKAN:

- 11 PENAMPILAN AUDIT
- 14 PEMERIKSAAN MENGEJUT
- 1 PENGAUDITAN PRESTASI

16. PENGURUSAN AUDIT KPN MERUPAKAN ***THIRD LINE DEFENSE*** BAGI MEMASTIKAN PENGURUSAN KEWANGAN DI KPN DAN AGENSI DIBAWAHNYA DILAKSANAKAN

SECARA BERHEMAH, CEKAP DAN BERKESAN. IA JUGA MENENTUKAN KAWALAN DALAMAN YANG BERKESAN UNTUK MENJAYAKAN OBJEKTIF KPN DICAPAI SEPENUHNYA.

17. SAYA MENYERU SETIAP WARGA KPN TIDAK KIRA BERADA DI MANA JUA SUPAYA MEGAMBIL PERHATIAN SERIUS TERHADAP TEGURAN, SYOR DAN NASIHAT YANG DIBERI MELALUI LAPORAN AUDIT KPN BERKAITAN PENGURUSAN KEWANGAN.
18. SAYA BERHARAP AGAR WARGA KPN TURUT BERPEGANG KEPADA NILAI INTEGRITI, KEBERSAMAAN, DINAMIK, INTERAKSI DAN KHIDMAT BAKTI

SEBAGAI ASAS DALAM
MELAKSANAKAN TUGAS SEHARIAN.

KESELAMATAN DOKUMEN/ MAKLUMAT

19. SETIAP WARGA KPN HARUS
MEMPUNYAI TANGGUNGJAWAB
TINGGI UNTUK MEMELIHARA
KESELAMATAN DOKUMEN MILIK
KEMENTERIAN SUPAYA IA TIDAK
TERDEDAH KEPADA ORANG LUAR
SEHINGGA MENJEJASKAN
KEPENTINGAN KERAJAAN.

20. WARGA KPN DIINGATKAN SENTIASA
BERHATI-HATI DALAM BERKONGSI
MAKLUMAT ATAU DATA-DATA
KEMENTERIAN/JABATAN.
PERBUATAN MEMBOCOR MAKLUMAT

TERPERINGKAT DAN RAHSIA
KERAJAAN MERUPAKAN SATU
KESALAHAN SERIUS YANG BOLEH
DIKENAKAN TINDAKAN TATATERTIB.

WARGA BERINTEGRITI DAN KERJA BERPASUKAN

21. BAGI MEMASTIKAN KEJAYAAN
SESEBUAH ORGANISASI ASPEK
KERJA BERPASUKAN ADALAH
SANGAT PENTING DAN PERLU
DITERAPKAN DALAM BUDAYA KERJA
SEMASA MELAKSANAKAN APA JUA
TUGASAN DALAM JABATAN. SUKA
SAYA MENGINGATKAN TUAN-TUAN
DAN PUAN-PUAN, BAHAWA
KECEMERLANGAN SESEORANG
PEGAWAI BUKAN HANYA USAHA

SERATUS-PERATUS SECARA INDIVIDU; TETAPI, IA ADALAH HASIL KERJA BERPASUKAN MELALUI KERJASAMA, USAHASAMA SERTA SOKONGAN DARI PELBAGAI PIHAK DALAM SESUATU JABATAN.

22. DALAM ERTI KATA LAIN, SIKAP TERBUKA DAN SALING MEMBANTU-MEMBATU DALAM KALANGAN SETIAP AHLI JABATAN SEBAGAI SATU KELUARGA KPN AKAN MENJURUS KE ARAH KECEMERLANGAN BUKAN PADA SATU INIDIVIDU SAHAJA TETAPI REFLEKSI TERHADAP SELURUH WARGA KEMENTERIAN.

PENUTUP

23. AKHIR KATA, SEKALI LAGI TAHNIAH
DIUCAPKAN KEPADA KESEMUA
PENERIMA ANUGERAH
PERKHIDMATAN CEMERLANG
TAHUN 2021. SEMOGA
PENGANUGERAHAN INI MENJADI
MOTIVASI SEMUA WARGA KERJA
KPN KE ARAH KECEMERLANGAN
YANG LEBIH TINGGI.

24. SEKIAN, WABILLAHIL TAUFIQ WAL
HIDAYAH WASSALAMU'ALAIKUM WA
RAHMATULLAHIL WA BARAKATUH.
TERIMA KASIH.